

# MERKATARITZARAKO DIRU-LAGUNTZAK EMATEKO OINARRI ARAUTZAILEAK

<b>Diru-laguntza lerroa</b>	MERKATARITZARAKO DIRU-LAGUNTZAK
<b>Aurrekontu partida</b>	23431022785
<b>Partidaren deskribapena</b>	MERKATARITZARAKO LAGUNTZA LERROAK
<b>Diru-laguntza emateko prozedura</b>	ZUZENEAN EMATEA

## 1.- XEDEA

Oinarri hauen xedea da Basauriko Udalak, udalerriko xehekako merkataritza berrizatzeko eta haren lehiakortasuna hobetzeko helburuarekin emandako diru-laguntza ekonomikoak zuzenean emateko deialdia arautzea.

## 2.- APLIKAZIO-EREMUA

Oinarri hauetan araututako diru-laguntzak honako gastu hauek finantzatzeko izango dira: instalazioetan egindako inbertsioak; merkataritzako enpresak ekipatzea eta berriztatzea; eta enpresa horien irudia, lehiakortasuna eta kalitatea hobetzeko egindako inbertsioak.

Diru-laguntza jasotzeari begira, ez da ekipamendutzat joko establezimenduaren ekoizpenerako zuzen-zuzenean erabiltzen dena (adibidez: solariumeko makinak, plantxak, ileapaindegietako ile-lehorgailuak, okindegietako labeak, eta abar), ez bada xehekako merkataria inbertsio hori egin behar duela aplikagarri zaion araudiak xedatutakoa betetzeko.

## 3.- ONURADUNAK

1.- Oinarri hauetan jasotako laguntzak jaso ahal izango dituzte 2017ko urtarrilaren 1etik aurrera merkataritza-establezimenduak berritu edo modernizatzeko obrei ekiten dieten pertsona fisikoek, pertsona juridikoek edota ondasun-erkidegoek. Era berean, laguntza hauek eskuratu ahal izango dituzte 2016an zehar diru-laguntza aurkeztu, eta, aurrekontu-kontsignazioa agortu izanagatik, berau eskuratu ez dutenek (baldin eta eskabidea epez aurkeztu bazuten, eta eskabide horri oinarriotan eskatutako dokumentazio guztia erantsi bazioten). Azken kasu horretan, aukera izango lukete 2017ko diru-laguntzak jasotzeko.

- Enpresa txikia izatea. Zentzu horretan, eta Europako Batzordearen 2003/361/CE Gomendioari jarraituta, enpresa txikiak izango dira honako baldintza hauek betetzen dituztenak: egoitza soziala Basaurin duten enpresak edo, salbuespenez, egoitza soziala beste udalerrri batzuetan izan arren, enpresa garatzeko proiektuan kokapena Basaurin izatea aurreikusten dutenak; gehienez ere 50 langile dituztenak; eta urtean 10 milioi eurotik beherako negozio-bolumena edo balantze orokorra dutenak. Enpresaren datuak zehazteko, aintzat hartuko da ea enpresa autonomoa den ala, Gomendioaren irizpideen

arabera, menpeko enpresa edo enpresa elkartua den. Horrelakoetan, datuak zehazteko kalkulua 2003/361/CE Gomendioaren 6. artikulua xedatutakoaren arabera egingo da.

- Jarduera profesionalen 64., 65., 66., 67. eta 68. ataletan jasotako jarduera izatea, 646., 652.1. eta 655. salbu. Saillapen horretan jasotakoez gain, jarduera horien 97. atalean jasotakoak ere onuradunak izan daitezke.

- Egoitza soziala Basauriko udalerrian izatea edo, salbuespenez, egoitza soziala beste udalerrri batzuetan izan, baina enpresa garatzeko proiektuan kokapena Basaurin izatea aurreikustea.

- Herri Administrazioekiko zerga-zorrik ez izatea, eta, era berean, egunean egotea Gizarte Segurantzarekiko obligazioetan. Merkataritza Atalak egiaztatuko du, ofizioz, ea Basauriko Udalarekiko zerga-zorrik dagoen ala ez.

- Enpresa eratuta egotea eta merkataritza-jarduera bat izatea, bi urteko gutxieneko antzinatekin. Hasiera-data izango da Ekonomia Jardueren gaineko Zergan alta eman zeneko eguna.

- Aurreko ekitaldian diru-laguntzarik jaso ez izana (beraz, 2016an diru-laguntza jaso dutenek ezingo dute beste diru-laguntzarik jaso 2018ra arte). Salbuespena: diru-laguntza eskabidea 2016an aurkeztu, eta, aurrekontu-kontsignazioa agortu izanagatik, 2017ra arte izapidetu ezin izan direnak.

2.- Merkataritza-jardueraren titulartasuna aldatzen bada jarduera eskualdatu delako, haren forma juridikoa aldatu delako edota jarduera lehenagotik zegoen enpresa batengandik bereizi delako, bi urteetako epea ez da berriro zenbatzen hasiko: aldaketa gertatu baino lehen hasitako zenbaketari eutsiko zaio. Merkataritza-jardueraren titulartasun aldaketa onartuko da, bakar-bakarrik, familiatzko oinordetza edota langileei egindako oinordetza bada, edota titulartasun-aldaketa dakarren forma juridiko aldaketa dela eta. Aitzitik, ez dira zerga-arrazoiengatik, zio juridikoengatik edota arrazoi pertsonalengatik forma juridiko aldaketak onartuko, baldin eta jabeak berdinak badira.

#### **4.- KANPO UTZITAKOAK**

1.- Salbuespeneko kasuetan salbu, ezin izango dute Diru-Laguntzen Plan honetan parte hartu beste erakunde batzuen (Bizkaiko Foru Aldundia edo Eusko Jaurlaritza) diru-laguntza programetan parte hartzen ari direnak.

Edozein kasutan, enpresa-jarduerari dagozkien talde edo atal hauek kanpoan geratuko dira:

646. epigrafea: «tabako-lanen eta erretzailentzako gauzen xehekako merkataritza».

652.1 azpiepigrafea: «Farmaziak: botiken, osasun-produktuen eta norbere higienarako produktuen xehekako merkataritza».

655. azpiepigrafea: «erregaien eta lubrifikatzaileen xehekako merkataritza».

2.- Era berean, ulertuko da kanpo daudela Administrazioaren erakunde, sozietate publiko edota elkarteak, bai eta elkarte edo taldeak, interes ekonomikoko erakundeak eta aldi baterako enpresa elkarteak salbu.

## **5.- DIRUZ LAGUNDU DAITEZKEEN KONTZEPTUAK**

1.- Diruz lagunduko dira 2017ko urtarrilaren 1etik aurrera egindako gastu eta inbertsioak. Laguntza jasoko dute, era berean, 2016an eskabidea aurkeztu, eta diru-laguntzarik jaso ez zuten eskabideak, hain zuzen ere, merkataritza-instalazioetan ekipamenduan eta modernizazioan egindako gastuak, eta enpresen irudia, lehiakortasuna eta kalitatea hobetzeko egindako inbertsioak.

2.- Diru-laguntza jaso dezaketen kontzeptuak dira oinarri hauetan jasotako kontzeptu batzuei banaka-banaka atxikita egoteaz gain, garapen-proiektu bakoitzeko aholkularitza-prozesuan gomendatutako edo proposatutako jarduerekin bat datozenak, hau da, merkatuaren enpresa-garapen prozesuaren barruko jarduera-estrategia zehatz bati dagozkion gastuak (merkatu berrietan sartzea, berrikuntzak produktuan/prozesuan, IKTetara egokitzea, eta abar).

3.- Zehazkiago, honako hauek hartuko dira diru-laguntza jaso dezaketen gastutzat:

- Merkataritza-lokalen barrualde eta kanpoaldea egokitzeko lanak: esparrua atontzea, lokalaren distribuzioa aldatzea edota lokalaren itxura hobetzea. Kasu honetan, aintzat hartuko dira, bakar-bakarrik, dagozkion obra- edo instalazio-lizentzietan adierazitako zenbatekoak.

- Mugikortasun murriztua duten pertsonen sarbidea errazteko eta oztopo arkitektonikoak kentzeko egindako berritze lanak. Kasu honetan, aintzat hartuko dira, bakar-bakarrik, dagozkion obra- edo instalazio-lizentzietan adierazitako zenbatekoak.

- Establezimenduan segurtasun eta irisgarritasun neurriak ezartzeari dagozkionak.

- Makineria elektronikoa edo mekanikoa.

- Merkataritzako altzariak eta ekipamendua erostea.

- Informatika eta software ekipoak, baldin eta establezimenduan bakarrik erabiltzeko badira, hau da, salmenta-puntu terminal bati edo horren pareko gailu bati badagozkie. Gainera, beharrezana egokiro argudiatu beharko da.

- 

- Aholkularitza taldeak kontratatzea merkataritzako kalitate-arauak ezartzeko edota arau horiek egiaztatzeko.

- Argizatzena, erakusleho-apainketarako teknika berritzaileak ezartzera edota salmenta-puntua diseinatzena eta girotzena bideratutako baliabideak optimizatzea.

- Negozioaren kudeaketaren alorreko prestakuntza, jabeena zein langileena, baldin eta erakunde ofizial batek edota onetsitako erakunde eskarmentudunak ematen badu.

## **6.- DIRU-LAGUNTZA JASO EZIN DEZAKETEN KONTZEPTUAK**

-Honako gastu hauek diru-laguntza hauetatik kanpo geratuko dira:

- Balio Erantsiaren gaineko Zerga, ez bada enpresari gastua eragiten diola. Hala bada, egiaztatu egin beharko da, Foru Ogasunaren egiaztagiria aurkeztuta.
- Lokala erostetik eratorritakoak.
- Ibilgailuak eta salgaiak erostetik eratorritakoak.
- Merkataritza-jardueraren berezko elementu suntsikorrei dagozkienak (poltsak, erroiluak, eta abar).
- Enpresaren jarduera bera osatzen duten zuzeneko ekoizpen-tresnei dagozkienak (oinarrien 2. atalean jasotakoak, adibidez, okindegietako labeak, ileapaindegietako ile-lehorgailuak eta plantxak, solariumetako makinak eta tresna estetikoak, eta abar).
- Tebistak edota tabletak erosteagatikoak.
- Jarduerarekin zuzenean eta modu eskusiboan lotuta ez dauden informatika-pakete edo ofimatika-programak eskuratzeagatikoak.

## **7.- ESKABIDEAK AURKEZTEA**

Eskabideak egiteko dagokion eskabide-orria aurkeztuko da Basauriko Udaleko Herritarren Informazio eta Arretarako Bulegoan, edota Herri-Administrazioen Araubide Juridikoaren eta Administrazio Prozedura Erkidearen 1 Legearen 39/2015. artikulua baimendutako edozein bide erabilita. Eskaria aurkezte hutsagatik, interesdunak Oinarri hauetako edukia onartzen duela joko da. 2017an, eskabide bakarra aurkeztu ahal izango da merkataritza-establezimendu bakoitzeko.

## **8.- ESKABIDEAK AURKEZTEKO EPEA**

1.- Eskabideak aurkezteko epea hasiko da deialdi hau Bizkaiko Aldizkari Ofizialean argitaratzen den dataren biharamunean, eta 2017ko abenduaren 31n amaituko da. Era berean, eskabidea 2016an zehar aurkeztu, eta ordainketa jaso ez dutenek, ez dute eskabide berririk aurkeztu beharko.

## **9.- AURKEZTU BEHARREKO DOKUMENTAZIOA**

Establezimendu bakoitzeko eskabide bakarra onartuko da bakarrik. Eskabideei honako dokumentu hauek erantsi beharko zaizkie:

- a) Egindako inbertsioen, berritzeen edo erosketen memoria txiki bat.
- b) Enpresa txikiak definitzen dituzten ezaugarriak betetzen direla jasotzen duen zinpeko aitortpena, Oinarri hauen 3. artikuluan jasotzen denaren arabera. Zentzu horretan, Oinarriotako II. Eranskinean agertzen den dokumentua bete beharko dute eskatzaileek.
- c) Gizarte Segurantzako Diruzaintzak egindako egiaztagiriaren jatorrizkoa, Gizarte Segurantzako Erregimen Orokorretik eta/edo Langile Autonomoen Erregimen Berezitik ondorioztatutako kuoten ordainketekin egunean egotea egiaztatzen duena.

d) Enpresak zerga-obligazioak dituen Administrazio Publiko guztiek egindako egiaztagirien jatorrizkoak, enpresa zerga-betekizun horiekin egunean dagoela egiaztatzen dutenak.

e) Sozietateen kasuan, eskabidea egiten duen pertsona sozietatearen ordezkari gisa ari dela egiaztatzen duen dokumentuaren fotokopia, sozietatearen IFZ eta pertsona fisikoaren NANA edota lan-baimena.

f) Hirugarrenaren fitxa, eskabidea egiten duen denda edo enpresaren banku-datuak jasotzen dituena. Fitxak, enpresaren kontua dagoen finantza-erakundearen zigilua eduki beharko du.

g) Oinarri hauetan diruz lagundu daitezkeen kontzeptu bezala jasotako enpresaren kostuak ordaintzeko enpresak egindako edo egin asmo dituen finantziario-egintzari buruzko aitorpena. Aitorpen hori III. Eranskinetako ereduaren erabilera egingo da.

h) Basauriko udal diru-laguntzak emateko Ordenantzen 10. artikuluan ezarritako debekurik ez dagoela jasotzen duen erantzukizuneko aitorpena, IV. Eranskinari jarraituta.

i) Diruz lagundu daitezkeen eta benetan ordainduak izan diren gastuak agertzen dituzten fakturen eta ordainketa-agirien jatorrizkoa eta kopia.

j) Obra-lizentzia, eta tasa ordaindu izanaren agiria (atontze-lanak egiten diren kasuetan).

2.- Baldin eta ez balitz eskatutako dokumentazio osoa aurkeztuko, Basauriko Udalak enpresari eskatuko dio hutsegiteak zuzentzeko edota falta diren agiriak aurkezteko. Horretarako, hamar egun balioduneko epea emango zaio eskatzaileari, jakinarazpena jasotzen duen datatik zenbatzen hasita. Hala xedatzen du Herri Administrazioen Prozedura Erkidea arautzen duen urriaren 1eko 39/2015 Legeak. Epe hori igarota dokumentaziorik aurkeztuko ez balitz, eskatzaileak eskabideari uko egin diola joko da, eta artxibatu egingo da eskabide hori.

Halaber, Basauriko Udalak beharrezko jo lezakeen dokumentazio gehigarria eska lezake, enpresa eskatzaileak egitasmo honetan parte-hartzeko eskatutako baldintzak betetzen dituela egiaztatu ahal izateko.

## **10.- DIRU-LAGUNTZEN ZENBATEKOA**

Oro har, Basauriko Udalak gastu edota inbertsioen % 40 finantzatuko du, eskaerako 1.000 euroko mugarekin. Ordea, establezimenduan egindako inbertsioaren xedea bada mugikortasun murriztua duten pertsonen sarbidea errazteko eta oztopo arkitektonikoak kentzeko lanak egitea, edota establezimendua irisgarriagoa egiteko neurriak ezartzea, Basauriko Udalak gastu eta inbertsioen % 50 finantzatuko du, eskaerako 1.200 euroko mugarekin.

Aipatutako zenbatekoak % 10 igoko dira, hau da, % 50 edota % 60raino heldu ahal izango dira —inbertsioaren izaera zein den—, egoitza fiskala edota establezimendua

Basaurin duen enpresa batek ematen badu dena delako zerbitzua. Gehienezko kopuruak, berriz, aurreko atalean adierazitakoak izango dira.

Diru-laguntza horiek ez dira itzuli behar izango.

Establezimenduan egindako inbertsioaren xedea bada mugikortasun murriztua duten pertsonen sarbidea errazteko eta oztopo arkitektonikoak kentzeko lanak egitea eta establezimendua irisgarriagoa egiteko neurriak ezartzea, Udalak finantzatu duen zenbatekoa % 10 handitu ahal izango da, eskaerako 1.200 euroko mugarekin, betiere.

Hala eta guztiz ere, oro har, oztopo arkitektonikoak kentzeko lanak, edota irisgarritasuna hobetzeko neurriak ezartzeari dagokionez, Udalaren ekarpena % 50era edo % 60ra ere helduko da, baldin eta beharrezkoak diren altzariak eta ekipamendua, barrualdeko obrak edota dena delako zerbitzuaren kontratazioa, egoitza fiskala edo establezimendua Basaurin duten enpresekin egiten bada.

## **11.- ENPRESA ONURADUNEN BETEBEHARRAK**

Diru-laguntza hauek jasotzen dituzten pertsona fisiko edo juridikoek honako betebeharrak izango dituzte:

a) Diru-laguntzak erabiltzea beren xede diren kontzeptu eta zenbatekoetarako; eta diru-laguntzok adierazitako epeetan erabiltzea.

b) Basauriko Udalak egin ditzakeen egiaztatze-jarduerak eta dagozkion finantza-kontrol jarduerak onartzea.

c) Basauriko Udalarari jakinaraztea xede bera duten diru-laguntzak edo bestelako laguntzak jaso direla, edota diru-laguntza hau emateko aintzat hartuak izan diren beste edozein inguruabar objektibo zein subjektibotan egondako aldaketak. Horretarako, zinpeko aitortzea aurkeztu beharko da.

d) Diru-laguntza jaso duen establezimenduan **urtebetez jardutea, gutxienez** (diru-laguntza eman zen datatik aurrera). Establezimendua adierazitako epea baino lehenago itxiko balitz, enpresa onuradunak Udalarari jakinarazi, eta emandako diru-laguntzaren zati proportzionala itzuli beharko dio, jarduera eten denetik urtebetea amaitu arte doan zatia, alegia.

e) Enpresak establezimenduak baditu udalerrin barruan eta kanpoan, inbertsioak, herriko establezimenduan egin beharko dira. zinpeko aitortzea aurkeztu beharko dute, adieraziz inbertsioa Basauriko establezimenduan egingo dela.

## **12.- AURREKONTU-IZENDAPENA**

Basauriko Udalak, 2017ko ekitaldian zehar, 45.000 euro bideratuko ditu deialdi honetako diru-laguntzetarako, honako partida honen kontura: 23431022785. , Merkataritzarako laguntza lerroak.

### **13- DIRU-LAGUNTZAK ORDAINTZEA**

Onuradunak, egindako gastuak zuritzeko, dagozkion fakturak eta horien ordainagiriak aurkeztuko ditu. 600 €-tik gorako fakturen ordainketak banku-agiri bidez egiaztatuko dira, bai transferentzia-egiaztagiri bidez, bai helbideratze-egiaztagiri bidez, bai horien parekoen bidez.

Aurrekontu-partidan jasotako izendapena agortzen bada ere, ez dira baztertuko 2017an zehar eskatutako diru-laguntzak, ezta 2016an zehar aurkeztu, eta aldeko ebazpena jaso eta gero, kreditua agortu izanagatik dagozkien diru-laguntzak jaso ez dituzten eskaerak ere; horiek guztiak hurrengo ekitaldiko aurrekontu-kredituari egotziko zaizkio, kasuan-kasuan hala ezarriko balitz.

### **12.- ARAUDI APLIKAGARRIA**

Prozedura arautuko dute onetsitako Oinarri Arautzaileek beraiek; Diru-laguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak; eta udal diru-laguntzak emateko indarreko Ordenantzak.

### **15.- ONURADUNEI BURUZKO INFORMAZIOAREN ISILPEKOTASUNA**

Basauriko Udalak bere gain hartzen du diru-laguntza hauen onuradunei buruzko informazioa programaren eremutik kanpoko xedeetarako erabilia izango ez dela bermatzeko konpromisoa.

Basauri, 2016ko azaroaren 10a.  
ATALBURUA

Josune Elorriaga

O.E.  
IDAZKARI NAGUSIA

## **I. ERANSKINA**

### **MERKATARITZA SUSPERTZEKO LAGUNTZAK**

**ESKATZAILEA:**

**NANa:**

**TELEFONO ZK.:**

### **AURKEZTUTAKO DOKUMENTAZIOA:**

Memoria deskribatzailea

NANaren fotokopia

Sozietatearen IFZ eta eskaera egiten duen pertsonak duen ordezkartza egiaztatzen duen agiria

Basauriko Udalak egindako hirugarrenaren fitxa, banku-datuak jasotzen dituen

Enpresa txikiak definitzen dituzten ezaugarriak betetzen direla jasotzen duen zinpeko aitortpena

Gizarte Segurantzako Diruzaintza Orokorrak egindako egiaztigiriaren jatorrizkoa, Gizarte Segurantzako Erregimen Orokorretik edota Langile Autonomoen Erregimen Berezitik ondorioztatutako kuoten ordainketekin egunean egotea egiaztatzen duena

Enpresak zerga-obligazioak dituen administrazio publiko guztiek egindako egiaztigirien jatorrizkoak, enpresa zerga-betekizun horiekin egunean dagoela egiaztatzen dutenak

## II. ERANSKINA

### ENPRESA TXIKIAREN BALDINTZEI BURUZKO ZINPEKO AITORPENA

<b>ENPRESA</b>	
<b>ENPRESAREN IZENA</b>	
<b>IFZ</b>	
<b>ORDEZKARIA ABIZENAK, IZENA</b>	
<b>NANa</b>	

Enpresa txikia izatea. Zentzu horretan, Europako Batzordearen 2003/361/CE Gomendioari jarraituta, hurrengo baldintza hauek betetzen dituztenak izaera hori dutela joko da:

- Gehienez ere 50 langile izatea.
- Urtean 10 milioi eurotik beherako negozio-bolumena edo balantze orokorra izatea.

Enpresaren datuak zehazteko aintzat hartu da ea enpresa autonomoa den ala, Gomendioaren irizpideen arabera, mendeko enpresa edo enpresa elkartua den. Datuak zehazteko kalkulua egin da 2003/361/CE Gomendioaren 6. artikulua xedatutakoaren arabera.

Adierazten du, halaber, Basauriko Udalak hala eskatuko balu, haren esku jarriko lukeela aurreko hori egiaztatze dokumentazioa.

Basaurin,.... (e)ko .....ren .....(e)(a)n

Sin.:

### III. ERANSKINA

#### BESTE DIRU-LAGUNTZA ESKAEREI BURUZKO AITORPENA

<b>ENPRESA</b>	
<b>ENPRESAREN IZENA</b>	
<b>IFZ</b>	
<b>ORDEZKARIA ABIZENAK, IZENA</b>	
<b>NANa</b>	

#### ZERA AITORTZEN DU:

Ez duela eskatu, ez diotela eman eta ez duela aurreikusi eskaera honen xede den proiektuari lotutako inolako diru-laguntzarik eskatzea inongo administrazioari edo erakunde publiko edo pribaturi (nazionala edo nazioarteko izan).

Administrazioari edo erakunde publiko edo pribatuei (nazionalak edo nazioartekoak), eskaera honen xede den proiektuari lotutako diru-laguntzaren bat eskatu diela, halakorik lortu duela edo halakoak eskatzea aurreikusi duela.

<b>ERAKUNDEA</b>	<b>PROGRAMA</b>	<b>ESKATUTAKO LAGUNTZA</b>		<b>EMANDAKO LAGUNTZA</b>	
		<b>DATA</b>	<b>ZENBATEKOA</b>	<b>DATA</b>	<b>ZENBATEKOA</b>

#### ETA HONAKO KONPROMISO HAU HARTZEN DU:

Basauriko Udalari idatziz jakinarazteko, dagozkion jakinarazpenak jaso eta 15 eguneko epean, eskaera honen xede den proiektuarekin edo horren zati batekin lotuta eskatutako edo jasotako laguntzaren gaineko edozein aldaketa, diru-laguntza horiek erakunde publiko, pribatu, nazional edo nazioarteko bati eskatutakoak edo emandakoak badira ere. Halaber, konpromisoa hartzen du diru-laguntza eskatu duen edozein erakunde publikori ere horren berri emateko.

Basauri,  
Enpresaren sinadura eta zigilua